

**MSWADA  
WA  
SHERIA YA KUREKEBISHA SHERIA YA CHUO KIKUU CHA  
TAIFA CHA ZANZIBAR, NAM. 8 YA 1999 KAMA  
ILIVYOUREKEBISHWA NA SHERIA NAM. 11 YA 2009 NA  
KUWEKA MASHARTI BORA PAMOJA NA MAMBO  
MENGINE YANAYOHUSIANA NA HAYO**

---

**IMETUNGWA na Baraza la Wawakilishi Zanzibar.**

**SEHEMU YA KWANZA  
UTANGULIZI**

Jina fupi  
na kuanza  
kutumika.

**1.** Sheria hii itajulikana kama Sheria ya Chuo Kikuu cha Taifa cha Zanzibar (Marekebisho) ya 2016 na itaanza kutumika mara tu baada ya kutiwa saina na Rais.

Kusomwa.

**2.** Sheria hii itasomwa pamoja na Sheria ya Chuo Kikuu cha Taifa cha Zanzibar Nam. 8 ya 1999 kama ilivyorekebishwa na Sheria nam. 11 ya 2009 ambapo katika Sheria hii itajulikana kama "Sheria mama".

**SEHEMU YA PILI  
VIFUNGU VYA MAREKEBISHO**

Marekebisho  
ya kifungu  
cha 2.

**3.** Kifungu cha 2 cha Sheria mama kinarekebishwa kwa kuongeza maneno:

- (a) "Wakuu Wasaidizi wa Skuli" na "Wakurugenzi Wasaidizi" maana yake ni Wasaidizi Wakuu wa Wakuu wa Skuli au Wakurugenzi Wasaidizi wa Wakurugenzi hao;
- (b) "Bodi ya Ajira na Rasilimali Watu" maana yake ni Bodi iliyoanzishwa chini ya kifungu cha 6 cha Sheria hii;
- (c) "Wafanyakazi Wataalamu" maana yake ni Wafanyakazi Wataalamu wa Chuo Kikuu kwa mujibu wa kifungu cha 19 cha Sheria hii.

Marekebisho  
ya kifungu  
cha 12.

**4.** Kifungu cha 12 (1)(d) cha Sheria mama kinarekebishwa:

- (i) kwa kuondosha maneno "si chini ya wanane na si zaidi ya kumi na moja" na kuweka badala yake maneno "si chini ya kumi na nne".
- (ii) kwa kuongeza kipengele xi, xii, xiii na xiv katika orodha iliopo:
- (xi) mjumbe mmoja kutoka Wizara inayohusika na Afya;
  - (xii) mjumbe mmoja kutoka Wizara inayohusika na Utalii;
  - (xiii) mjumbe mmoja kutoka Umoja wa Watu Wenye Ulemavu Zanzibar;
  - (xiv) mjumbe mmoja ambae ni muwakilishi wa Jumuiya ya Wafanyakazi wa Uendeshaji wa Chuo.
- (iii) kwa kufuta neno "tatu" lililopo katika Kifungu cha 12(1)(d)(iv) cha Sheria mama na kuweka badala yake neno "moja."

Kufuta  
kifungu cha  
14. **5.** Kifungu cha 14 cha Sheria mama kama kilivyorekebishwa na kifungu cha 7 cha Sheria Nam. 11 ya 2009 kinafutwa.

Marekebisho  
ya kifungu  
cha 16. **6.** Kifungu cha 16 cha Sheria mama kinafutwa na kuwekwa badala yake ifuatavyo:

Bodi ya Ajira  
na Rasilimali  
Watu. **16.(1)**Kutakuwa na Bodi ya Ajira na Rasilimali Watu ambayo ina wajumbe wafuatao:

- (a) Makamu Mkuu wa Chuo ambae atakuwa Mwenyekiti;
- (b) Naibu Makamu Mkuu wa Chuo anayehusika na Taaluma, Utafiti na Ushauri elekezi ambae atakuwa Makamu Mwenyekiti;
- (c) Naibu Makamu Mkuu wa Chuo anayehusika na Mipango, Fedha na Utawala ambae atakuwa ni Katibu;

- (d) Mkuu wa Skuli mmoja anaeteuliwa na Makamu Mkuu wa Chuo;
- (e) Mkurugenzi mmoja anaeteuliwa na Makamu Mkuu wa Chuo;
- (f) Wajumbe wawili wanaoteuliwa na Baraza kutoka miongoni mwa wajumbe wa Baraza ambapo mmoja miongoni mwao ni mwanamke;
- (g) Mkuu wa Idara ya Rasilimali Watu; na
- (h) Mjumbe mmoja kutoka Chama cha Wafanyakazi katika Chuo.

(2) Bodi ya Ajira na Rasilimali Watu, kwa maoni yake, inaweza kualika mtu, au watu wengine ambao wanaweza kurahisisha kufikia maamuzi sahihi ya Bodi.

(3) Bodi ya Ajira na Rasilimali Watu itakuwa na kazi zifuatazo kwa mujibu wa uwezo ilionao chini ya Sheria hii au kazi itakayopewa na Baraza:

- (a) kuandaa orodha ya nafasi zilizowazi kwa kila mwaka kwa ajili ya kuidhinishwa na Baraza;
- (b) kuthibitisha ajira za wafanyakazi wapya kama itakavyopewa kazi hiyo na Baraza;
- (c) kupendekeza ajira za wafanyakazi wapya kwa ajili ya kupata idhini ya Baraza;
- (d) kuzingatia na kupendekeza maslahi na mishahara ya wafanyakazi;
- (e) kuzingatia na kutoa mapendekezo upandishaji vyeo kwa wafanyakazi wanataaluma na Uendeshaji au kada nyengine yoyote; na

(f) kupendekeza na kusimamia shughuli za mafunzo ya wafanyakazi wa Chuo kwa kila mwaka wa fedha.

(4) Masharti yaliyomo katika Jadwali la kwanza la Sheria mama yatatumika sambamba kuhusiana na muda wa utumishi kwa wajumbe wa Bodi ya Ajira na Rasilimali Watu.

Kuongeza kifungu kipyua 16A. **7.** Sheria mama inarekebishwa kwa kuongeza kifungu kipyua 16A kama ifuatavyo:

Kamati ya Ajira na Rasilimali Watu. **16A.-(1)** Kutakuwa na Kamati ya Ajira na Rasilimali Watu katika kila Skuli na Chuo au Taasisi kwa kadri Baraza itakavyoona inafaa, ambayo itakuwa na wajumbe wafuatao:

- (a) Mkuu wa Skuli husika ambae atakuwa Mwenyekiti;
- (b) Afisa dhamana wa Kitengo cha Rasilimali Watu katika Skuli husika ambae atakuwa Katibu;
- (c) Mkuu Msaidizi wa Skuli;
- (d) Wakuu wa Idara za Taaluma; na
- (e) Mjumbe mmoja kutoka Chama cha Wafanyakazi katika Skuli husika ya Chuo.

(2) Kamati ya Ajira na Rasilimali Watu, kwa maoni yake, inaweza kumualika mtu yeyote au watu ambao watarahisisha kufikia maamuzi sahihi ya Kamati.

(3) Kamati ya Ajira na Rasilimali Watu itafanya kazi makhsusi au kazi nyenginezo itakayopewa na Bodi ya Ajira na Rasilimali Watu.

Kuongeza kifungu kipyua 16B. **8.** Sheria mama inarekebishwa kwa kuongeza kifungu kipyua 16B kama ifuatavyo:

Bodi ya Fedha Mipango na Maendeleo. **16B.-(1)** Kutakuwa na Bodi ya Fedha, Mipango na Maendeleo ambayo itakuwa na wajumbe wafuatao:

- (a) Wajumbe wawili watakaoteuliwa na Baraza kutoka miongoni mwa Wajumbe wa Baraza ambapo mmoja wao atakuwa Mwenyekiti wa Bodi; wakati wa uteuzi huo Baraza litazingatia jinsia;
- (b) Makamu Mkuu wa Chuo;
- (c) Naibu Makamu Mkuu wa Chuo anayehusika na Mipango, Fedha na Uendeshaji ambaye ni Katibu;
- (d) Naibu Makamu Mkuu wa Chuo anayehusika na Taaluma, Utafiti na Ushauri elekezi;
- (e) Msarifu; na
- (f) Afisa dhamana wa Kitengo cha Mipango.

(2) Bodi ya Fedha, Mipango na Maendeleo itafanya kazi kama itakavyopewa na Baraza kama ifuatavyo:

- (a) kusimamia mipango ya fedha ya Chuo Kikuu na kulishauri Baraza kuhusu masuala yoyote yanayohusiana na usimamizi wa fedha;
- (b) kuweka kumbukumbu zote za mahesabu katika utaratibu unaokubaliwa na Serikali zinazohusiana na mapato na matumizi ya Chuo;
- (c) kuandaa ripoti za fedha za robo mwaka na za mwaka na kuziwasilisha katika Baraza;
- (d) kuhakikisha utekelezaji sahihi wa kanuni za fedha na Sheria ya Manunuzi;
- (e) kuandaa, kusimamia na kuweka pamoja Bajeti ya Chuo Kikuu na kuiwasilisha katika Baraza;
- (f) kupendekeza mipango na miradi ya uwekezaji kwa ajili ya idhini ya Baraza;

- (g) kusimamia utekelezaji wa mpango mkakati wa Skuli na Chuo;
- (h) kuandaa na kuwasilisha taarifa na mapendekezo yanayohusiana na masuala ya fedha kwa Baraza; na
- (i) kusimamia Bajeti na masuala yote ya fedha kwa kila Skuli ya Chuo.

Kuongeza kifungu kipyua 16C. **9. Sheria mama inarekebishwa kwa kuongeza kifungu kipyua 16C kama ifuatavyo:**

Kamati ya Fedha. **16C.-(1) Kunaanzishwa Kamati ya Fedha katika kila Skuli kama ambavyo Baraza litaona inafaa, ambayo itakuwa na wajumbe wafuatao:**

- (a) Mkuu wa Skuli husika atakuwa Mwenyekiti;
- (b) Mkuu Msaidizi wa Skuli; na
- (c) Afisa dhamana wa Kitengo cha Fedha.

(2) Kamati ya Fedha itakuwa na kazi makhsusi na kazi nyengine kama itakavyopewa na Bodi ya Fedha, Mipango na Maendeleo.

(3) Baraza litaandaa na kuidhinisha Kanuni zinazohusiana na Uendeshaji wa Vitengo na Kamati zote za Chuo Kikuu.

Kuongeza kifungu kipyua 16D. **10. Sheria mama inarekebishwa kwa kuongeza kifungu kipyua 16D:**

Bodi ya Ustawi wa Wanafunzi. **16D.-(1)Kutakuwa na Bodi ya Ustawi wa Wanafunzi ambayo itakuwa na wajumbe wafuatao:**

- (a) Mwenyekiti ambae atateuliwa na Baraza kutoka miongoni mwa wajumbe wake ambao si wajumbe kwa nafasi zao;
- (b) Naibu Makamu Mkuu wa Chuo anayehusika na Taaluma, Utafiti na Ushauri elekezi;

- (c) Naibu Mkuu wa Chuo anaehusika na Mipango, Fedha na Uendeshaji;
- (d) Mwakilishi mmoja wa wanafunzi kutoka katika Baraza la Chuo Kikuu;
- (e) Mkuu wa Wanafunzi, na ambae atakuwa pia Katibu;
- (f) Mwakilishi kutoka Seneti,
- (g) Mwakilishi wa Wanafuzi wa Shahada za juu; na
- (h) Wawakilishi wawili wa wanafunzi angalau mwanamke mmoja kutoka Jumuiya ya Wanafunzi.

(2) Bodi ya Ustawi wa Wanafunzi itakuwa na kazi kwa kadri itakavyopewa na Baraza.

(3) Masharti yaliyomo katika Jadweli la kwanza la Sheria mama yatumika sambamba kuhusiana na muda wa utumishi kwa wajumbe wa Bodi ya Ustawi wa Wanafunzi.

**11.** Kifungu cha 20 (2) (b) na (c) cha Sheria mama kinafutwa na kuwekwa badala yake kama ifuatavyo:

Marekebisho ya kifungu cha 20.

- (b) Taasisi ya Maendeleo ya Utalii; na
- (c) Taasisi ya Taaluma za Baharini.

**12.** Kifungu cha 21 cha Sheria mama kinafutwa na kuwekwa badala yake kifungu kipya kama ifuatavyo:

Marekebisho ya kifungu cha 21.

Kamati ya Taaluma.

21.-(1) Kutakuwa na Kamati ya Taaluma katika kila Skuli au Chuo ambayo itakuwa na wajumbe wafuatao:

- (a) Mkuu wa Skuli husika ambae atakuwa Mwenyekiti;

- (b) Mkuu Msaidizi wa Skuli;
  - (c) Wakuu wa Idara za Taaluma;
  - (d) Mjumbe mmoja anaeteuliwa na Seneti kutoka nje ya Chuo; na
  - (e) Wajumbe wawili wanaochaguliwa na wanafunzi kutoka katika Skuli husika ambapo mmoja atakuwa mwanamke.
- (2) Kila Kamati ya Taaluma kwa kuzingatia masharti makhsusi na masharti ya jumla ya Seneti italazimika kufanya kazi zifuatazo:
- (a) kufanya mapitio na kutoa ushauri kwa Seneti kuhusiana na kudhibiti na kuweka utaratibu wa maelekezo, elimu na utafiti ndani ya Skuli;
  - (b) kutoa mapendekezo kwa Seneti kuhusiana na jambo lolote la Skuli;
  - (c) kufanya jambo au kitu chochote itakayopewa uwezo wa kufanya na Seneti au kwa mujibu wa masharti ya Sheria hii.
- (3) Kamati ya Taaluma, kwa maoni yake, inaweza kumualika mtu yeyote au watu ambao watarahisisha kufikia maamuzi sahihi ya Kamati.
- (4) Masharti ya Jadwali ya Kwanza ya Sheria mama yatatumika sambamba kuhusiana na muda wa Utumishi wa Wajumbe wa Kamati ya Taaluma.

Kuongeza  
kifungu  
kipya 24A.

**13.** Sheria mama inarekebishwa kwa kuongeza kifungu kipyua 24A kama ifuatavyo:

Wakuu  
Wasaidizi  
wa Skuli na  
Wakurugenzi  
Wasaidizi

24A.-(1)Kutakuwa na:

- (a) Wakuu Wasaidizi wa kila Skuli; na



(b) Mkurugenzi Msaidizi wa kila Taasisi ya Chuo au Idara kwa kadri itakavyoamuliwa na Baraza kutokana na ushauri wa Seneti.

(2) Mkuu Msaidizi wa Skuli au Mkurugenzi Msaidizi atakuwa ni msaidizi wa Mkuu wa Skuli au Msaidizi wa Mkurugenzi, kama hali itavyokuwa, na atakaimu nafasi ya Mkuu wa Skuli au Mkurugenzi atakapokuwa hayupo au nafasi ya Mkuu wa Skuli au Mkurugenzi itakapokuwa tupu.

(3) Mkuu Msaidizi wa Skuli au Mkurugenzi Msaidizi atakuwa Msaidizi Mkuu na atawajibika kwa Mkuu wa Skuli katika mambo yote yanayohusiana na shughuli na maisha ya Skuli na Chuo kwa ujumla.

(4) Mkuu Msaidizi wa Skuli au Mkurugenzi Msaidizi atakafanya kazi zake kwa mujibu wa Sheria mama kama ilivyorekebishwa na Sheria Nam. 11 ya 2009 na Sheria hii au kama atakavyoelekezwa na Baraza.

Kuongeza  
kifungu

**14.** Sheria mama inarekebishwa kwa kuongeza kifungu kipyua 24B. kama ifuatavyo:

Sifa za  
Mkuu wa  
Skuli au  
Mkurugezi.

24B. Mtu atasitahiki kuteuliwa kuwa Mkuu wa Skuli au Mkurugenzi endapo:

- (a) atakuwa na shahada ya Uzamivu; na
- (b) atakuwa na uzoefu angalau miaka mitatu ya kazi katika Chuo kinachotambulika.

Kuongeza  
kifungu  
kipya 24C

**15.** Sheria mama inarekebishwa kwa kuongeza kifungu kipyua 24C kama ifuatavyo:

Uteuzi wa  
Mkuu  
Msaidizi  
wa Skuli au  
Wakurugezi  
Msaidizi.

24C-(1) Mkuu Msaidizi wa Skuli au Mkurugenzi Msaidizi atateuliwa na Baraza kwa mujibu wa Kanuni zitakazotungwa na Baraza.

(2) Mtu atasitahiki kuteuliwa kuwa Mkuu Msaidizi wa Skuli au Mkurugenzi Msaidizi endapo:

(a) atakuwa angalau na Shahada ya Uzamili; na

(b) atakuwa na uzoefu angalau wa miaka mitatu ya kazi za Utawala katika Chuo kinachotambulika.

(3) Mkuu Msaidizi wa Skuli au Mkurugenzi Msaidizi atashika wadhifa huo kwa kipindi cha miaka mitatu kutoka taBarazarehe ya uteuzi wake na anaweza kuteuliwa tena kwa kipindi chengine kimoja tu cha miaka mitatu,

Kuongeza  
kifungu  
kipya  
24D.

**16. Sheria mama inarekebisha kwa kuongeza kifungu kipya 24D kama ifuatavyo:**

Idara na  
Vituo vya  
Taaluma  
na  
Uendeshaji.

24D.-(1) Kutakuwa na Idara na Vituo vya Taaluma na Uendeshaji katika Chuo kama vitakavyoazishwa na Baraza.

(2) Makamu Mkuu wa Chuo atawateuwa Wakuu wa Idara na Vituo baada ya kushauriana na Naibu Makamu Wakuu wa Chuo, na Mkuu wa Skuli au Mkurugenzi wa Skuli husika.

(3) Makamu Mkuu wa Chuo atawateuwa Wakuu wa Idara na Vituo vya Uendeshaji kwa kushauriana na Naibu Makamu Wakuu wa Chuo.

(4) Wakuu wa Idara za Taaluma na Uendeshaji watateuliwa kutoka miomgoni mwa wafanyakazi waandamizi wa Chuo kupitia taratibu za Baraza.

(5) Wakuu wa Idara za Taaluma na Uendeshaji watashikilia nafasi zao kwa muda wa miaka mitatu na wanaweza kuteuliwa tena kwa kipindi kimoja chengine cha miaka mitatu.

(6) Makamu Mkuu wa Chuo anaweza, baada ya kushauriana na Naibu Makamu Wakuu wa Chuo kuteuwa Wakuu Wasaidizi wa Idara kuwasaidia Wakuu wa Idara kama atakavyoona inafaa kwa mujibu wa taratibu zitakazotungwa na Baraza.

Kuongeza  
kifungu  
kipya  
24E.

**17. Sheria mama inarekebishwa kwa kuongeza kifungu kipya 24E kama ifuatavyo:**

Kazi na  
Wajibu.

24E. Pamoja na kazi na majukumu mengine, Wakuu wa Idara za Taaluma na Uendeshaji:

- (a) wataongoza mikutano ya Idara zao;
- (b) watawakilisha Idara zao katika Kamati za Chuo na vyombo vyengine kama itavyohitajika;
- (c) watahakikisha viwango bora vya utafiti na ushauri elekezi, ufundishaji, kujifunza na utumishi wa umma vinaendelea;
- (d) wataongoza kitaalamu na kuwajibika katika uendeshaji wa Idara zao;
- (e) wataweka kumbukumbu sahihi za Idara zao na zinazoenda na wakati; na
- (f) watasimamia watendaji katika Idara zao.

Marekebisho  
ya kifungu  
cha 26.

**18. Kifungu cha 26 cha Sheria mama kinafutwa na kuwekwa badala yake ifuatavyo:**

Vitengo  
vya  
Uendeshaji  
vya Skuli.

26.-(1) Kutakuwa na Kitengo au Vitengo vya Uendeshaji kwa kila Skuli ya Chuo kama ambavyo Baraza litaona inafaa.

(2) Kitengo cha uendeshaji kitaongozwa na Afisa Dhamana na ambae atateuliwa na Makamu Mkuu wa Chuo baada ya kupokea mapendekezo ya Mkuu wa Skuli husika.

(3) Baraza litatunga Kanuni za Uendeshaji wa Vitengo katika Chuo.

(4) Wafanyakazi wa Uendeshaji watajumuisha wafuatao:

- (a) Mkuu wa Wanafunzi;
- (b) Msarifu;

- (c) Watendaji wa Chuo wanaofanya kazi za uendeshaji kama ambavyo Baraza litaamua; na
- (d) Watendaji wengine wa Chuo wenye kazi nyengine zisizohusiana na ufundishaji, utafiti, ushauri elekezi au uvumbuzi kama ambavyo Baraza litaamua kwa kushauriana au kwa mapendekezo ya Bodi ya Ajira na Rasilimali Watu.

Kuongeza **19.** Sheria mama inarekebishwa kwa kuongeza kifungu kipya 26A kama kifungu ifuatavyo:  
kipya 26A.

Watendaji  
Wataalamu  
wa Chuo  
Kikuu.

26A-(1) Watendaji wataalamu wa Chuo watajumuisha wafuatao:

- (a) Wafanyakazi wa Afya na Tiba;
  - (b) Wahandisi, wasarifu majengo, watathimini ujenzi na wataalamu wengine wa fani zinazohusiana na hizo;
  - (c) Wanasayansi wa maabara;
  - (d) Wataalamu wa Teknolojia na wasimamizi wa mifumo ya habari;
  - (e) Mafundi; na
  - (f) Mafundi wengine kama Baraza litakavyoona inafaa kuwaongeza.
- (2) Uwezo wa kuteuwa wafanyakazi wataalamu na wa fani ya habari utakuwa ni wa Baraza.
- (3) Kada za wafanyakazi Wataalamu watateuliwa na Baraza kwa mapendekezo ya Bodi ya Ajira na Rasilimali Watu na kwa mujibu wa miongozo inayotolewa kila baada ya muda.

Kuongeza **20.** Sheria mama inarekebishwa kwa kuongeza kifungu kipya 26B kama kifungu ifuatavyo:  
kipya 24A.

Jumuiya ya  
wafanyakazi  
wa  
Uendeshaji  
na  
Wataalam.

26B-(1) Kutakuwa na Jumuiya ya wafanyakazi wa Uendeshaji na Wataalamu ambayo itajumuisha wafanyakazi ambao sio Wanataaluma pamoja na mwanachama mmoja kutoka katika Chama cha Wafanyakazi wa Chuo.

(2) Baraza linaweza kuidhinisha kuanzishwa kwa Jumuiya yoyote ya wafanyakazi kama litakavyoona inafaa kwa kupokea maombi na Katiba ya wafanyakazi wanaokusudia kuunda Jumuiya ndani ya Chuo pamoja na malengo ambayo hayapingani na malengo ya Chuo na masharti ya Sheria nyengine.

(3) Kazi za Jumuiya zitasimamiwa kwa mujibu wa Katiba zao ambazo zitaidhinishwa na Baraza ikijumuisha marekebisho yake.

Kuongeza  
kifungu  
kipya 28A.

**21.** Sheria mama inarekebishwa kwa kuongeza kifungu kipyua 28 kama ifuatavyo:

Katibu wa  
Baraza.

28A.-(1) Kutakuwa na Katibu wa Baraza la Chuo ambaye atateuliwa na Baraza kutoka miongoni mwa Maafisa Sheria Waandamizi wa Chuo baada ya kupokea mapendekezo ya Bodi ya Ajira na Rasilimali Watu kwa kuzingatia miongozo na masharti yaliyowekwa na Baraza.

(2) Katibu wa Baraza la Chuo:

(a) atatoa huduma za kisheria kwa Baraza kwa mujibu wa Sheria, Kanuni, Sheria ndogo ndogo na mahitaji mengine ya kisheria;

(b) atasimamia kesi zote mahkamani;

(c) ataongoza seketarieti ya Baraza; na

(d) atafanya kazi nyengine atakazopewa kwa mujibu wa Sheria, Kanuni au Muundo wa Utumishi wa Chuo au kama itakavyoelekezwa na Baraza.

(3) Baraza linaweza pia kuwateuwa maafisa kadhaa kwa ajili ya kumsaidia katibu kwa kadri ya Baraza litakavyoona inafaa.

(4) Katibu wa Baraza la Chuo atakuwa na haki ya kuhudhuria vikao vyote vya Baraza lakini hatakuwa na haki ya kupiga kura.

Kuongeza kifungu kipyua 29A. 22. Sheria mama inarekebishwa kwa kuongeza kifungu kipyua 29A kama ifuatavyo:

Kamati ya nidhamu kwa wafanyakazi 29A.(1) Kutakuwa na Kamati ya Nidhamu kwa wafanyakazi ambayo itakuwa na wajumbe wafuatao:

- (a) Wajumbe wawili watakaoteuliwa na Baraza kutoka miongoni mwa wajumbe wake, ambapo mmoja miongoni mwao atakuwa Mwenyekiti wa Kamati;
- (b) Naibu Makamu Mkuu wa Chuo anaehusika na Mipango, Fedha na Uendeshaji;
- (c) Wakili wa Serikali Mwandamizi kutoka katika Afisi ya Mwanasheria Mkuu atakaeteuliwa na Makamu Mkuu wa Chuo baada ya kushauriana na Mwanasheria Mkuu;
- (d) Mwakilishi kutoka katika moja ya zifuatazo:
  - (i) Jumuiya ya wafanyakazi wa Taaluma wa Chuo atakae teuliwa na Makamu Mkuu wa Chuo baada ya kushauriana na Jumuiya ya wafanyakazi wa Taaluma.
  - (ii) Jumuiya ya wafanyakazi wa Uendeshaji na Wataalamu atakae teuliwa na Makamu Mkuu wa Chuo baada ya kushauriana na Jumuiya ya wafanyakazi wa Uendeshaji na Wataalamu.
  - (iii) Chama cha Wafanyakazi katika Chuo atakaeteuliwa na Makamu Mkuu wa Chuo baada ya kushauriana na Chama cha Wafanyakazi katika Chuo.
- (e) Mkuu wa Idara ya Rasilimali Watu;
- (f) Afisa dhamana wa Kitengo cha Ukaguzi wa Ndani wa Hesabu; na

(g) Afisa Sheria Mwandamizi kutoka katika Chuo, na ambaye atakuwa pia Katibu.

(2) Akidi ya vikao vya Kamati ya Nidhamu kwa Wafanyakazi itakuwa uwepo wa angalau wajumbe watano.

(3) Mashtaka ya makosa ya kinidhamu au ukiukwaji wa maadili ya kazi dhidi ya mfanyakazi yatashughulikiwa kwa mujibu wa kifungu cha 31 cha Sheria mamai na mapendekezo yatawasilisha katika Baraza kupitia Makamu Mkuu wa Chuo.

(4) Mambo yote yanayohusiana na nidhamu kwa wafanyakazi; ispokuwa kwa Makamu Mkuu wa Chuo na Naibu Makamu Wakuu wa Chuo yatashughulikiwa kwa mujibu wa Sheria hii au Sheria nyengine zilizopo Zanzibar.

(5) Kamati ya Nidhamu kwa Wafanyakazi itaongozwa na Sheria hii, Sheria ya Utumishi wa Umma au Sheria nyengine zozote zinazotumika Zanzibar.

(6) Baraza linaweza kutunga Kanuni kuhakikisha nidhamu miongoni mwa wafanyakazi wa Chuo.

Kuongeza kifungu kipy 29B. **23.** Sheria mama inarekebishwa kwa kuongeza kifungu kipy 29B kama ifuatavyo:

Kamati ya  
Rufaa ya  
Wafanyakazi.

29B.-(1) Kunaanzishwa Kamati inayojulikana kama Kamati ya Rufaa ya Nidhamu ya Wafanyakazi ambayo itashughulikia Rufaa za wafanyakazi wa Taaluma, Uendeshaji na Wataalamu.

(2) Kamati ya Rufaa ya Nidhamu ya Wafanyakazi itakuwa na Wajumbe wafuatao:

(a) Mjumbe mmoja kutoka Kamisheni ya Utumishi wa Umma atakaeteuliwa na Baraza kwa kushauriana na Mwenyekiti wa Kamisheni ya Utumishi wa Umma na ambae atakuwa Mwenyekiti;

- (b) Mjumbe mmoja kutoka miongoni mwa Vyuo Vikuu vilivyopo Zanzibar atakaeteuliwa na Baraza kwa kushauriana na Makamu Mkuu wa Chuo husika;
  - (c) Mwanasheria mwenye uzoefu wa angalau miaka mitano katika kazi ya Hakimu au Jaji atakaeteuliwa na Jaji Mkuu Zanzibar;
  - (d) Mjumbe mmoja atakaeteuliwa na Makamu Mkuu wa Chuo kutoka miongoni mwa Maafisa Waandamizi wa Uendeshaji ambae atakuwa Katibu.
- (3) Wajumbe wa Kamati ya Rufaa ya Nidhamu ya Wafanyakazi watateuliwa pale ambapo shauri la kinidhamu linapotokea.
- (4) Akidi ya Kikao cha Kamati ya Rufaa ya Nidhamu itakuwa na zaidi ya nusu ya Wajumbe wa Kamati;
- (5) Kamati ya Rufaa ya Nidhamu ya Wafanyakazi itakuwa na uwezo wa kusikiliza na kuamua maamuzi yoyote yanayohusiana na nidhamu, kufukuzwa na kuachishwa kazi katika Chuo.
- (6) Kamati ya rufaa ya nidhamu itaendesha shughuli zake kwa mujibu wa Sheria hii, Sheria ya Uumishi wa Umma, au Sheria yoyote inayotumika Zanzibar.
- (7) Maamuzi ya Kamati ya Rufaa ya Nidhamu ya Wafanyakazi chinii ya kifungu hiki yatakuwa ni ya mwisho.

Kuongeza kifungu kipyaa 36A. **24. Sheria mama inarekebishwa kwa kuongeza kifungu kipyaa 36A kama ifuatavyo:**

Chuo  
Kikuu  
kinachojitegemea

36A. Rais anaweza, kwa ushauri wa Baraza na kutoa amri kwa kutangaza katika Gazeti Rasmi la Serikali, kutangaza Chuo Kishiriki, Skuli au Taasisi ya Chuo kuwa Chuo Kikuu kinachojitegemea.



Marekebisho ya Kifungu cha 57. **25.** Sheria mama inarekebishwa kwa kufuta kifungu cha 57 na kuweka kifungu kipya cha 57 kama ifuatavyo:

Kufuta na kubakiza.

**57(1)** Sheria zifuatazo zinafutwa:

(a) Sheria ya Taasisi ya Kiswahili na Lugha za Kigeni, Sura ya 4 ya mwaka 1979;

(b) Sheria ya Chuo cha Afya Zanzibar, Nam. 10 ya 1998,

(c) Sheria ya Usimamizi wa Fedha, Nam. 1 ya 2002, na

(d) Sheria ya Chuo cha Maendeleo ya Utalii Nam. 7 ya 2008.

(2) Bila ya kuathiri kufutwa kwa Sheria zilizoainishwa chini ya kifungu kidogo cha (1) cha kifungu hiki, amri zote, teuzi, ajira, kanuni, au jambo lolote lilofanywa chini ya Sheria zilizofutwa, litachukuliwa kuwa limefanywa chini ya masharti ya Sheria mama kama ilivyorekebishwa na Sheria Nam 11 ya 2009 na Sheria hii.

## MADHUMUNI NA SABABU

Madhumuni ya mswada huu ni kutunga Sheria mpya ya Chuo Kikuu cha Taifa cha Zanzibar (SUZA) ambayo itaweza kuunganisha Taasisi za Serikali zinazotoa elimu ya juu na Chuo Kikuu cha Taifa cha Zanzibar (SUZA). Taasisi hizo ni Taasisi ya Uongozi wa Fedha (ZIFA), Taasisi ya Maendeleo ya Utalii (ZIToD) na Chuo cha Sayansi za Afya (CHS).

Aidha Mswada huu unakusudia kuweka utaratibu wa kisheria utakaoweza Zanzibar kuwa na Chuo Kikuu kimoja kitakachokuwa imara na chenye ubora na ufanisi katika matumizi ya rasilimali za nchi.

Pia mswada huu wa sheria utaziwezesje Taasisi zote za Serikali zinazotoa elimu ya juu Zanzibar kuwa na muundo mpya baada ya kuunganishwa na kuwa Chuo Kikuu kimoja cha Taifa Zanzibar.

Mswada huu umegawika katika sehemu kuu mbili zifuatazo:-

Sehemu ya Kwanza: sehemu hii inahusu masharti ya awali, jina fupi na tarehe ya kuanza kutumika.

Sehemu ya Pili: sehemu hii inahusu marekebisho mbali mbali yaliyofanywa kutoka katika Sheria ya Chuo Kikuu cha Taifa cha Zanzibar Sheria Nam. 8 ya mwaka 1999, ambayo yanahusu kuongeza wajumbe wa Baraza la Chuo Kikuu cha Taifa cha Zanzibar ambao ni wajumbe kutoka katika Wizara ya Afya, Utalii, chama cha Watu wenye Ulemavu na mwakilishi kutoka katika Jumuiya ya Wafanyakazi wa kada ya Uendeshaji ya Chuo.

Aidha, sehemu hiyo pia imeainishwa uanzishwaji na kazi za Bodi mbali mbali kama vile Bodi ya Ajira/Uteuzi na Rasilimali Watu. Bodi hii itakuwa na jukumu la kulishauri Baraza la Chuo kuhusu masuala ya ajira na kusimamia rasilimali watu pamoja na kuwajengea uwezo watumishi wote watakoajiriwa na Chuo.

Pia, Bodi ya Fedha, Mipango na Maendeleo ambayo itakuwa na jukumu la kusimamia mambo yote ya fedha za Chuo na kulishauri Baraza la Chuo kuhusu usimamizi mzima wa fedha za Chuo pamoja na kuweka kumbukumbu za fedha na kutoa ripoti mbali mbali za fedha.

Na Bodi ya Ustawi wa Wanafunzi, ambayo itakuwa na jukumu la kulishauri Baraza la Chuo kuhusu usimamizi na uendeshaji wa masuala ya ustawi na maslahi ya wanafunzi wa Chuo.

Pia, sehemu hii imeainisha ongezeko la Taasisi za Chuo Kikuu cha Taifa cha Zanzibar, ambazo ni Taasisi ya Maendeleo ya Utalii na Taasisi ya Masomo ya Bahari kuwa ni miongoni mwa Taasisi za Chuo Kikuu cha Taifa cha Zanzibar (SUZA).

Aidha, sehemu hii imeainisha uanzishwaji wa Kamati za Taaluma kwa kila Skuli ya Chuo ambazo kwa pamoja zitakuwa na kazi ya kuisaidia Seneti ya Chuo katika kupitia programs mbali mbali za masomo kushauri namna bora ya kuimarisha masomo mbali Chuoni.

Pia, sehemu hii imeainisha wakuu wa Idara na vituo mbali mbali vya Chuo katika kada za Taaluma na Uendeshaji. Wakuu hawa watateuliwa na Makamu Mkuu wa Chuo baada ya kushauriana na Manaibu Wakuu na Wakuu wa Skuli za Chuo Wakuu wa Idara hao watakuwa na jukumu la kuziendesha na kuzisimamia Idara hizo kwa mujibu wa taratibu za Chuo.

Na mwisho sehemu hii inahusu kuwepo kwa muundo mpya wa Chuo Kikuu cha Taifa cha Zanzibar ambao utahusisha taasisi zote hizo zilizounganishwa. Muundo huo mpya wa Chuo Kikuu cha Taifa cha Zanzibar utahusisha yafuatayo.

- (i) Taasisi ya Uongozi wa Fedha (ZIFA) imefutwa na sasa itatambulika kama ni Skuli ya Biashara ya Chuo Kikuu cha Taifa cha Zanzibar;
- (ii) Taasisi ya Maendeleo ya Utalii (ZIToD) imefutwa na sasa itatambulika kama ni Taasisi ya Maendeleo ya Utalii ya Chuo Kikuu cha Taifa Cha Zanzibar; na
- (iii) Chuo cha Sayansi za Afya (CHS) imefutwa na sasa itatambulika kama ni Skuli ya Tiba na Sayansi za Afya ya Chuo Kikuu cha Taifa cha Zanzibar.

**{ RIZIKI PEMBE JUMA }**  
**WAZIRI WA ELIMU NA MAFUNZO YA AMALI**

**Aprili, 2016,**  
**ZANZIBAR**